



ՀԱՍՏԱՏՈՒՄ ԵՄ՝
Շրջակա միջավայրի նախարար
Հ. Սիմիդյան

« 10 » 02 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0009 - 22

Ձեռնարկողը՝

«Արտաշատ Կահույք» ՍՊԸ

Արարատի մարզ, ք. Արտաշատ, Շահումյան փող, 23

Գործունեությունը՝ Արտաշատ քաղաքի Շահումյան փողոց 23 հասցեում նախատեսվող բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտ
Արարատի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի՝ պարտականությունները կատարող



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0009 - 22
<10> 02 2022թ.

Արտաշատ քաղաքի Շահումյան փողոց 23 հասցեում բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտ

Ձեռնարկող՝	«Արտաշատ Կահույք» ՍՊԸ
Փաստաթղթի տեսակը՝	Շրջակա միջավայրի վրա ազդեցության նախնական գնահատման հայտ
Գործունեությունը՝	«Գ» կատեգորիա
Տեղադրման վայրը՝	Արարատի մարզ, ք. Արտաշատ, Շահումյան փողոց 23

Ներածական մաս. Համաձայն ՀՀ-ի Շրջակա միջավայրի վրա ազդեցության գնահատման և փորձաքննության մասին օրենքի 14-րդ հոդվածի 6-րդ կետի 7-րդ ենթակետի, 1500 ք.մ և բարձր կառուցապատման մակերես ունեցող քաղաքաշինության ոլորտի կառույցներն ըստ շրջակա միջավայրի վրա ունեցած ազդեցության, դասակարգվում են «Գ» կատեգորիայի, ուստի սույն նախատեսվող գործունեությունը պահանջում է շրջակա միջավայրի վրա ազդեցությունների նախնական գնահատման հայտի պետական փորձաքննության և փորձագիտական եզրակացության ձեռք բերում:

Բազմաֆունկցիոնալ համալիրի կառուցման աշխատանքները նախատեսվում է իրականացնել Արարատի մարզ, ք. Արտաշատ, Շահումյան փող. 23 հասցեում:

Նախագծային աշխատանքների պատվիրատուն հանդիսանում է «Արտաշատ Կահույք» ՍՊԸ-Ն (այսուհետ՝ Կառուցապատող), նախագծային աշխատանքներն իրականացվել են Ա/Ձ Մարտուն Մկրտչյանի ճարտարապետական արվեստանոցի և «Մանուկ» ՍՊԸ կողմից:

Նախագիծը մշակվել է ՀՀ գործող շինարարական նորմատիվային պահանջների, Կառուցապատողի և Արտաշատի քաղաքապետարանի կողմից ներկայացված և նախագծային աշխատանքների համար հիմք հանդիսացող փաստաթղթերի համաձայն:

Նախագծման աշխատանքների համար հիմք են հանդիսացել Արտաշատի քաղաքապետարանի կողմից նախագծման թույլտվությունը /ճարտարապետահատակագծային առաջադրանքը, ՀՀ-ում գործող շինարարական նորմերը, Կառուցապատողի կողմից ներկայացված նախագծային առաջադրանքը, ինչպես նաև գործունեության տեղամասում իրականացված ինժեներաերկրաբանական ուսումնասիրությունները:

Նկարագրական մաս. Նախատեսվող գործունեության հողամասը գտնվում է Արտաշատ քաղաքի կենտրոնական մասում, Շահումյան-Գոլեցյան փողոցների անմիջապես հարևանությամբ: Կառուցապատվող տարածքը հարթ, մեկ հարկանի շենք-շինություններով զբաղեցված տարածք է: Հարևանությամբ գտնվում են հողամասեր, հասարակական և ընդհանուր օգտագործման



տարածքներ /դպրոց, մանկապարտեզ, այգի և այլն/ և այլ շինություններ: Նշված օբյեկտները նախագծվող բազմաֆունկցիոնալ համալիրի կառուցապատման տարածքից ընկած են 20-100մ հեռավորությունների վրա, իսկ դիտարկվող տարածքից 100մ հեռավորության վրա գտնվում է քաղաքային զբոսայգին:

Հողամասում բացակայում են ինժեներական ցանցերը և այլ ենթակառուցվածքները, որոնք ենթակա են տեղափոխման, առկա են քանդման եթակա մեկ հարկանի /ենթակայան, պարիսպ, մեկ հարկանի շենք/ շինություններ, որոնք քանդվելու են Արտաշատ համայնքի ղեկավարի կողմից տրված թիվ 11 քանդման թույլտվության համաձայն:

Տեղանքի ինժեներաերկրաբանական պայմանները գնահատվում են բարենպաստ նախագծվող բազմաֆունկցիոնալ համալիրի շինարարական աշխատանքների իրականացման համար, տարածքում բացակայում են շինարարության և կառուցվածքների վրա ազդող բնական երևույթները (սողանքներ, փլուզումներ և այլն):

Գործունեության իրականացման տեղանքին հարակից չկան արգելոցներ, ազգային պարկեր կամ հատուկ նշանակության պահպանվող տարածքներ, ինչպես նաև նախատեսվող տարածքում և տարածքի մերձակայքում չկան ազդեցության ենթակա պատմամշակութային հուշարձաններ, քանի որ տարածքը գտնվում է քաղաքային միջավայրում, կառուցապատված տարածքում:

Բնութագրվող տարածքն աչքի չի ընկնում բուսականությամբ, հողամասի որոշ հատվածներում առկա են ինքնաբերաբար աճած խոտածածկ, տարածքում բացակայում է ծառափուտային բուսականությունը:

Քանի որ, հողամասը գտնվում է ամբողջապես կառուցապատված տարածքում, Արտաշատ քաղաքի կենտրոնում, ուստի հայտի շրջանակներում չի դիտարկվում տեղանքում և հարակից տարածքներում բուսական կամ կենդանական տեսակների, էնդեմիկ կամ Կարմիր գրքում գրանցված բուսատեսակներ և կենդանական տեսակներ, ինչպես նաև կենդանիների միգրացիոն ուղիներ:

Համաձայն նախագծի կառուցապատվող հողամասի ընդհանուր մակերեսը կազմում է 5203.7քմ: Հողամասում նախագծված բազմաֆունկցիոնալ համալիրը ներառելու է 1 հարկանի ստորգետնյա ավտոկայանատեղի, վերգետնյա՝ 1 հասարակական հարկով և 6 բնակելի հարկերով 3 մասնաշենքեր: Վերգետնյա կառուցապատման աշխատանքները իրականացվելու են 1880.0քմ կառուցապատման մակերեսում, 48 կայանատեղիով ստորգետնյա ավտոհանգրվանը զբաղեցնելու է 1880.0 քմ մակերես:

Բազմաֆունկցիոնալ համալիրի բնակարանների թիվը կկազմի 115, որոնք կներառեն՝ 93 հատ 2 սենյականոց և 22 հատ 3 սենյականոց բնակարաններ:

Կառուցապատվող տարածքին մոտեցումը կապահովվի առկա ճանապարհներով, որոնք անցնում են հողամասի տարբեր կողմերով:

Նախատեսվող բազմաֆունկցիոնալ համալիրի ընդհանուր բնակելի մակերեսը կկազմի՝ 6427.0 քմ, իսկ բնակելի կառուցապատման մակերեսը՝ 8600.0 քմ, հասարակական նշանակության տարածքի մակերեսը կկազմի 1670.0 քմ, կանաչապատման մակերեսը՝ 2100 քմ:

Կոնստրուկտիվ լուծումների տեսանկյունից բնակելի մասնաշենքերը նախատեսվելու են միաձույլ երկաթ/բետոնե (ե/բ) շրջանակային հիմնակմախքի իրականացմամբ, ներառյալ՝ շենքի հիմքերը, սյուները, հեծանները և միջհարկային սալերը: Արտաքին և ներքին պատերը պեմզաբլոկ, արտաքին պատերը երեսպատվելու են սրբատաշ տուֆե և տրավերտինե սալերով: Էներգոարդյունավետության և ջերմամեկուսացման տեխնիկական լուծումների նպատակով բոլոր պատերը արտաքինից ջերմամեկուսացվելու են (40մմ հաստ.) փրփրապոլիստիրոլային ջերմամեկուսիչ սալերով և երեսպատվելու են (40 մմ հաստ.) բազալտե և տրավերտինե սալերով, շենքերի տանիքները նախատեսվելու են հարթ:



Բնակելի հարկերի ընդհանուր օգտագործման միջանցքները սարքավորված են լինելու ծխահեռացման համակարգով, իսկ բնակարաններում նախատեսվելու են ինքնաշխատ ծխային հրդեհային ազդարարարման սարքեր:

Նախատեսվող բազմաֆունկցիոնալ համալիրի ստորգետնյա ավտոհանգրվանը նախատեսված է նաև անհրաժեշտության և արտակարգ իրավիճակների դեպքում ծառայեցնել որպես ապաստարան, նախագծային լուծումներում հաշվի են առնված նաև սակավաշարժ խմբերի համար հարմարեցված թեքահարթակները՝ արտաքին մուտքերում:

Բնակելի թաղամասի արտաքին ինժեներական ցանցերի համար մշակվելու են վերջնական նախագծերը /ջրամատակարարում, ջրահեռացում, էլեկտրամատակարարում, գազամատակարարում/: Ինժեներական ցանցերի միացումն իրականացվելու է նշված ծառայությունները մատուցող կազմակերպությունների կողմից տրամադրված տեխնիկական պայմաններին համաձայն /ջրամատակարարում, ջրահեռացում, էլեկտրամատակարարում, գազամատակարարում/:

Համալիրի տարածքում նախատեսվում են տեղադրել կենցաղային աղբի հավաքման համար նախատեսվող աղբամաններ, որոնց տեղադրման տեղերը ճշտվելու են Արտաշատի համայնքապետարանի հետ:

Բազմաֆունկցիոնալ համալիրի ջրամատակարարման և ջրահեռացման գործընթացները կազմակերպվելու են գործող շինարարական նորմերի ու կանոնների, ինչպես նաև «Վեոլիա ջուր» ՓԲԸ-ի կողմից տրամադրված (14/10/2020թ.) թիվ ԱՐ 2562 տեխնիկական պայմանի համաձայն: Այսպիսով, բնակելի շենքերի ջրամատակարարումը, համաձայն տեխնիկական պայմանի, կկազմակերպվի տարածքի հարևանությամբ, Շահումյան-Գոլեցյան մայրուղիով անցնող d=110 մմ քաղաքային ջրատարից:

Կոյուղաջրերի և կենցաղային ջրերի արտաքին ջրահեռացումը, համաձայն տեխնիկական պայմանի, նախատեսվում է իրականացնել Շահումյան-Գոլեցյան մայրուղիով անցնող d=200 մմ կոլեկտորին միացմամբ:

Նախագծվող տարածքից մակերևութային ջրերի հեռացումը, համաձայն տեխնիկական պայմանի, իրականացվելու է Շահումյան-Գոլեցյան մայրուղիով անցնող d=400 մմ հեղեղատարին միացմամբ:

Ըստ հայտի բազմաֆունկցիոնալ համալիրի կենտրոնացված տաք ջրամատակարարման գործընթաց չի նախատեսվում, վերջինս կկազմակերպվելու է բնակիչների կողմից լոկալ լուծումների իրականացմամբ:

Համալիրի ջրամատակարարումն իրականացվելու է տարածքի հարևանությամբ անցնող քաղաքային ջրատարից, իսկ կոյուղին միացվելու է քաղաքային կոյուղատարին:

Բնակելի շենքերի գազամատակարարման գործընթացը իրականացվելու է «Գազպրոմ Արմենիա» ՓԲԸ-ի կողմից տրամադրվող տեխնիկական պայմանի համաձայն, էլ. մատակարարումը կատարվելու է համաձայն տեխնիկական պայմանների և գործող նորմերի ու կանոնակարգի:

Տարածքի մակերևութային ջրերի հեռացումը նախատեսված է կազմակերպված եղանակով, հեղեղատար կոյուղու համակարգի միջոցով: Տարածքի ցածրադիր տեղերում տեղադրվելու են անձրևընդունիչ հորեր, որտեղից անձրևաջրերը հեռացվելու են տարածքից և համաձայն տեխնիկական պայմանի միացվելու է քաղաքային հեղեղատար ցանցին: Նույն ցանցով և կհեռացվի շենքերի տանիքներից հավաքվող անձրևաջրերը և օդափոխության, օդորակման սարքավորումներից առաջացած կոնդենսատները:

Բարեկարգման աշխատանքների շրջանակում շենքերի շուրջ ստեղծվելու են սալվածքներ և մայթեր, իրականացվելու են շրջակա տարածքների բարեկարգման աշխատանքներ: Այս



աշխատանքների շրջանակում նախատեսվում է՝ երթևեկելի հատվածների, անցուղիների ասֆալտապատում, մայրերի ստեղծում, բազալտե եզրաքարերի իրականացում:

- հրապարակում կենցաղային թափոնների համար փակ աղբամանների տեղադրում, կենցաղային աղբի հեռացում հասարակական աղբաման,
- շինարարական հրապարակի ջրցանում և փոշու արտանետումների մակարդակների կառավարում ՀՀ թույլատրելի նորմերի սահմանում,
- շինարարական մեքենաների տեղաշարժի իրականացում սահմանափակ՝ 30 կմ/ժ չգերազանցող արագությամբ, իսկ բեռնատարների դեպքում՝ թափքի ծածկի առկայությամբ,
- շինհրապարակից դուրս գալիս մեքենաների անիվների լվացման միջոցառումներ ապահովվում,
- աղմուկ առաջացնող աշխատանքներն իրականացում թույլատրելի մակարդակների սահմանում և օրվա ցերեկային ժամերին՝ 14.00-18.00,
- շինարարական նյութերի ձեռք բերում լիցենզավորված մատակարարից,
- վառելիքի և նավթաման նյութերի պահում բետոնե/ մետաղական կամ ավազե հիմքերի վրա
- արտակարգ իրավիճակների կանխարգելման միջոցառումների ընթացակարգերի և կոնտակտային տվյալների պաստառների ձևով փակցնում հրապարակում, այդ թվում հակահրդեհային անվտանգության պաստառների, հրդեհների մասին ուղեցույց- հիշեցումների փակցնում,
- աշխատանքի և առողջության անվտանգության ապահովման միջոցառումների իրականացում ներառյալ՝ բանվորական կազմի ապահովվում սեզոնային արտահագուստով և անվտանգության սաղավարտներով, անհատական պաշտպանիչ դիմակներով և այլն,
- մեքենաների վառելիքի լիցքավորումը, քսայուղերի փոխարինման կազմակերպում հիմնականում շինհրապարակից դուրս և մասնագիտացված կենտրոններում,
- նախագծվող տեղամասում հետշինարարական բարեկարգման և կանաչապատման աշխատանքների կիրականացում՝ ըստ հաստատված նախագծի:

Նորատունկ բուսականության խնամքը հետագայում իրականացվելու է բազմաֆունկցիոնալ համալիրի սպասարկման աշխատանքների շրջանակում, ինչը ներառելու է նաև նորատունկ կանաչ գոտու վիճակի մշտադիտարկումները, որի ընթացքում կպշտականություն չապահովող ծառատեսակները փոխարինվելու է նորերով:

Բացի վերը նշված բնապահպանական միջոցառումներից նախատեսվում է նաև հետևյալ մի շարք միջոցառումները՝ կառուցվող շենքերի արտաքինից և ներքինից ծածկում համապատասխան բարձրության անթափանց պաստառներով, աշխատանքների ընթացքում մեքենա-սարքավորումների տեխնիկական վիճակի պատշաճ մակարդակով հսկում, այդ թվում նաև մեքենա-սարքավորումները շահագործում բացառապես աղմկակլանիչների և խլացուցիչների առկայության դեպքում, անսարքությունների հայտնաբերման դեպքում համապատասխան միջոցառումներ իրականացում և այլն: Բնակելի շենքերի կառուցման ընթացքում հարակից կառույցների վրա հասցրված ցանկացած ֆիզիկական վնասի վերացում շինարար կապալառուի կողմից՝ սեփական միջոցների հաշվին և այլն:

Հնարավոր արտակարգ իրավիճակների՝ հրդեհի առաջացման, հեղուկ նյութերի արտահոսքերի, աշխատողների վնասվածքների, շահագործվող տեխնիկայի հետ վթարների, անբարենպաստ օդերևութաբանական պայմանների դեպքում նախատեսվում է մի շարք միջոցառումներ որոնցից են՝ մինչ աշխատանքների սկիզբը բոլոր աշխատողների այդ թվում նաև վարորդների հրահանգավորում ըստ աշխատանքի անվտանգության կանոնների, շնարարական հարթակի և տրանսպորտային միջոցների հագեցվածություն հրդեհաշիջման առաջնային միջոցներով, առաջին բուժօգնության դեղատուփով՝ աշխատողների դրանց ճիշտ օգտագործմանն, ինչպես նաև առաջին բուժօգնության ցուցաբերմանն ուղղված հրահանգավորում/պատրաստվածություն, հեղուկ նյութերի և քսայուղերի տեղափոխում շինարարական հարթակ օգտագործումից առաջ և պահում հատուկ տակդիրների վրա՝



հնարավոր արտահոսքերը բացառելու համար, հնարավոր վնասվածքների, պատահարների դեպքում տուժածին առաջին բուժօգնության ցուցաբերում, իսկ անհրաժեշտության դեպքում տեղափոխում բժշկական հաստատություն և այլն: Տանիքում և բարձրության վրա մշուշի, ամպրոպի և քամու 6 բալ արագության գերազանցման դեպքերում աշխատանքներ իրականացնելու արգելում:

Հակահրդեհային անվտանգության ապահովվում շինհրապարակում, աշխատատեղում և աշխատանքի տեղամասերում համապատասխան «Հակահրդեհային անվտանգության կանոններ» պահանջներին, շինարարական հրապարակի, բաց պահեստների հակահրդեհային միջտարածությունների ժամանակին մաքրում հրդեհավտանգ թափոններից և աղբից, հրդեհաշիջման համար նախատեսված ջրաղբյուրների ճանապարհների և անցումների միշտ ազատ լինելու ապահովվում, շինարարության ընթացքում ճանապարհների փակման դեպքում շրջանցման ուղղությունը ցույց տվող ցուցանակների, աշխատանքների տեղամասերում հրդեհաշիջման սկզբնական միջոցների /տարածքում տեղադրում հրշեջ հիդրանտ/ տեղադրում:

Ներկայացվող գործունեության ընթացքում ուղղակի ազդեցություններ չըլային համակարգերի վրա չեն կանխատեսվում, քանի որ հողամասի մերձակայքում չկան ազդեցության ենթակա ջրային մարմիններ:

Տարածքում առկա շինությունների քանդման աշխատանքներից առաջացած և շինարարական աշխատանքներից գոյացած շին աղբի ծավալը կկազմի 1116 խ.մ, (ծածկագիր՝ 9120060001004, վտանգավորության դաս՝ IV), որը տեղափոխվելու է 5 կմ հեռավորության վրա գտնվող Արտաշատի աղբավայր:

Քանդման (ապամոնտաժման) աշխատանքների իրականացումը կազմակերպելու է օրենսդրությամբ սահմանված կարգով Արտաշատի քաղաքապետարանի հետ համաձայնեցված: Այս աշխատանքների վերահսկողությունը իրականացվելու է նախատեսվող գործունեության Պատվիրատուի կողմից:

Շինարարական աշխատանքների ընթացքում կառաջանա շուրջ 7800 խ.մ ավելորդ գրունտ և 120 խ.մ շինաղբ, որը ժամանակավոր կուտակվելու է շինհրապարակում կազմակերպված կույտերի տեսքով՝ հատուկ հատկացված տեղերում, այնուհետև կանոնավոր կերպով (ամենաուշն երեք օրը մեկ) տեղափոխվելու և թափոնակույտվելու է Արտաշատի քաղաքապետարանի կողմից թույլատրված աղբավայր:

Շինարարական աշխատանքների ընթացքում հոսքաջրերի առաջացում չի կանխատեսվում՝ հաշվի առնելով աշխատանքների բնույթը, բացի այդ աշխատանքները կատարվելու են ցանկապատված շինհրապարակի ներսում, ինչը կբացառի և/կամ կնվազեցնի հնարավոր հոսքաջրերի արտահոսքերը և այլ արտանետումները շինարարական հրապարակից:

Շինարարական աշխատանքների ընթացքում կառաջանա կեղտաջրեր (բետոնաջուր՝ բետոնախառնիչների լվացումից), որոնց հեռացման համար հրապարակում նախատեսվում է տեղադրել կեղտաջրերի հեռացման տարա (≥10 խ.մ), որտեղ և կհեռացվեն կեղտաջրերը, ինչպես նաև տեղումների ընթացքում հնարավոր հոսքաջրերի առաջացման դեպքում վերջիններս ևս կհեռացվեն տարայում կամ կուղղորդվեն տեղամասին կից քաղաքային հեղեղատար: Տարայում հետերոգեն զանգվածի նստեցումից հետո վերջիններս հնարավոր կլինի շին աղբի հետ հեռացնել աղբավայր, իսկ դեկանտված ջուրը՝ օգտագործվելու է ջրցանման նպատակով կամ շինարարական աշխատանքներում:

Շինարարության ողջ ընթացքում առաջացող յուղերի բանեցված մնացորդային քանակները հավաքվելու և պահվելու են հերմետիկ փակ և մետաղական տարաներում, իսկ հետագայում հանձնելու են վերջիններիս վերամշակմամբ զբաղվող լիցենզավորված կազմակերպության, բացի այդ հրապարակում քայուղերի և հեղուկ վառելիքի տարաները պահվելու են հատուկ անթափանց (ավազե, մետաղական կամ բետոնե) հիմքերի վրա, ինչը հնարավորինս բացառելու է



հարցերը և ժամանակին տեղեկացվելու է Կառուցապատողին նկատված անհամապատասխանությունների մասին:

Պարզառարանական մաս. ՀՀ օրենսդրությամբ սահմանված կարգով, նախնական գնահատման և փորձաքննության փուլերում, Արարատի մարզի Արտաշատ քաղաքի համայնքապետարանի վարչական շենքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության:

Հայտի վերաբերյալ փորձաքննական գործընթացում ստացվել են կարծիքներ՝ «Արարատի մարզպետարանից» «Արտակարգ իրավիճակների», «Առողջապահության», «Կրթության, գիտության, մշակույթի և սպորտի» նախարարություններից, «Քաղաքաշինության կոմիտեից», «Կադաստրի կոմիտեից», դիտողությունները և առաջարկությունները հաշվի են առնվել «Հայտի» լրամշակումներում:

Ամփոփելով Հայտի բնապահպանական և սոցիալական ազդեցությունների վերլուծությունները՝ կարելի է եզրահանգել որ, շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության շինարարական աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Արարատի մարզ, ք. Արտաշատ, Շահումյան փող. 23 հասցեում բազմաֆունկցիոնալ համալիրի կառուցման աշխատանքների ընթացքում անհրաժեշտ է պահպանել ՀՀ առողջապահության նախարարի 2012 թվականի սեպտեմբերի 19-ի N 15 հրամանով հաստատված «Կազմակերպություններում աշխատողների սանիտարակենցաղային սենքերի» N 2.2.8-003-12 սանիտարական կանոնների և նորմերի պահանջները:
2. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմինն»:
3. Նոր կառուցվող բնակելի բազմաբնակարան շենքերում էներգախնայողության և էներգաարդյունավետության հետ կապված միջոցառումները իրականացնել՝ համաձայն ՀՀ կառավարության 12.04.2018 N425-Ն որոշմամբ սահմանված տեխնիկական պահանջների:
4. Աշխատողների անհատական պաշտպանության միջոցները պետք է համապատասխանեն ՀՀ օրենսդրությամբ սահմանված չափանիշներին (մշտապես սաղավարտների կիրառում, անհրաժեշտության դեպքում դիմակներ և պաշտպանիչ ակնոցներ, պաշտպանիչ հագուստ և կոշիկներ):
5. Իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված մշտադիտարկումներ:
6. Շինարարության ընթացքում պահպանել բնապահպանական և մոնիթորինգի պլաններում նախատեսված միջոցառումների իրականացումը:
7. Արտադրական վտանգավոր օբյեկտների (կաթսայատուն, վերելակ և այլն) կառուցում նախատեսելու դեպքում աշխատանքային նախագիծը ներկայացնել նաև տեխնիկական անվտանգության փորձաքննության:



8. Վերջնական նախագծում և շինարարական աշխատանքների ընթացքում հաշվի առնել «Վեոլիա Ջուր» ՓԲԸ-ի, «ՀԷՑ» ՓԲԸ-ի և «Գազպրոմ Արմենիա» ՓԲԸ-ի կողմից տրված տեխնիկական պայմանի պահանջները:

9. Բոլոր տիպի շինարարական աշխատանքները իրականացնել պահպանելով պետական նորմերը, կանոնները, ստանդարտները:

Շինարարական աշխատանքների ավարտից հետո որպես պարտադիր պահանջ անհրաժեշտ է՝

- շինհրապարակի տարածքը սահմանազատել ժամանակավոր ցանկապատով, ապահովել լուսավորությամբ տեղադրել մուտք գործող արգելիչ նշաններ,
- շենքերը և շինությունները ծածկել շինարարությանը համապատասխան բարձրության անթափանց թաղանթով,
- ժամանակավոր օգտագործված տարածքները վերականգնել, հնարավորինս բերելով սկզբնական վիճակի,
- ամբողջ շինարարական աղբը, նյութերի մնացորդները և սարքավորումները հեռացնել շին հրապարակից,
- շրջակա տարածքները (մայթերը, ճանապարհները) զերծ պահել շինարարական աղբից՝ փոշին նվազագույնի հասցնելու նպատակով,
- շինարարական տրանսպորտային միջոցները և սարքավորումները պետք է վացվեն նախատեսված տարածքներում, որտեղից չի առաջանա ջրի արտահոսք,
- շինհրապարակից ելքի ժամանակ անհրաժեշտ է տեխնիկական միջոցների անվադողների վնասում,
- ծառերի և թփերի տնկման վայրը և քանակը համապատասխանեցնել կանաչապատման նախագծին, «Կանաչ գոտիների բարեկարգման նախագիծ» համաձայնեցնել Արտաշատի քաղաքապետարանի համապատասխան բաժնի մասնագետի հետ,
- ապահովել ծառերի և թփերի 90% կաչողականությունը, իսկ կաչողականություն չապահովող ծառատեսակները փոխարինել նորերով, որպես խնամքի պարտադիր միջոցառում ապահովել կանաչ տարածքների ոռոգումը, կանաչապատումը իրականացնել տարածքի բնակալիմայական պայմաններին բնորոշ ծառաթփային տեսականերով:

Առկա առաջարկվող մեղմացնող միջոցառումները ընդունել պարտադիր կատարման ենթակա:

ԵԶՐԱՓԱԿԻՉ ՄԱՍ

Արտաշատ քաղաքի Շահումյան փողոց 23 հասցեում նախատեսվող բազմաֆունկցիոնալ բնակելի համալիրի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական փորձաքննական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն»
ՊՈԱԿ-ի առաջատար մասնագետ՝



Ն. Նասիբյան